



Universitätsbibliothek Paderborn

Ōrigenus Tōn Eis Tas Theias Graphas Exēgētikōn Apanta Ta Ellēnisti Heuriskomena

Cui idem præfixit Origeniana, Tripartitum opus, quo Origenis narratur vita,
doctrina excutitur, scripta recensentur

Origenes

Rothomagi, 1668

I. Theopilus Alexandrinus Monachos quosdam Nitrienses vexat;

urn:nbn:de:hbz:466:1-25059

A piunt Johannes Chrysostomus, & Eudoxia. X. Synodum in Cypro adversus Origenistas cogit Epiphanius. XI. Theophilenses legati & Origenisti apud Imperatorem mutuo se accusant. XII. Epiphanius Constantinopolim appellat, & Chrysostomum male habet. XIII. Alteratur cum Eudoxia, deinde Cyprum repetens fato concedit. XIV. Rei gestae summa repetitur ex Polybio teste oculato. XV. Constantinopolim adventus Theophilus, & Concilium cogit ad Quercum. XVI. Accusatur Chrysostomus. XVII. Actorum Pseudosynodi ad Quercum habita fides exploratur. XVIII. Crimine liberantur Nitrienses, & in gratiam cum Theophilo redunt. XIX. Exauferatur Chrysostomus, & in exilio diem multo post obit. XX. In Chrysostomi defuncti nomen grassatur Theophilus, veniente Isidoro Pelusiota. XXI. Chrysostomus prosequitur laudibus Synesius, probris Hieronymus. XXII. Origenianos libros legit Theophilus: XXIII. Dieni claudit: succedit Cyriacus, & avunculi inimicitias persequitur, sed ab Isidoro reprehensus factum mutat. Scribit adversus Origenem Hammon Hadrianopolitanus. XXIV. Iohannis Hierosolymitani, & Hieronymi obitus. Male audit Origenis doctrina in Oriente & Occidente: XXV. suos tamen fautores habet Philastrium, Theodoreum, Socratem, Sozomenum, Sidonium, Autorem Prædestinati, & Eutychetem.

C I. **H**ÆC dum in Occidente gererentur, longe graviori tumultu Orientis Ecclesiæ Origenismus quaticebat. Cujus intermisam vitandæ confusione historiam repetemus. Postquam Isidorus ille, quem à Theophilo ad sedandas Iohannem inter, & Epiphanium ac Hieronymum controversias submissum diximus, Alexandriam regressus est, urgere Theophilum non desisterunt Epiphanius & Hieronymus, ut cum Origenistis marte aperto ipse quoque præliaetur. Detrectabat ille pugnam, rogante præsertim Epiphano, erga quem Anthropomorphitarum haereses sibi suspeccatum male affectus erat. Mox autem ut ad Ecclesia causam privata odia accessere, statim adversus Origenis affectus classicum cecinit. Obscura certe est & implicata temporum illorum historia, quamque nonnisi à Palladio, Socrate, & Sozomeno, atatis hujus proximis petere possumus: quamvis prioris auctoritatem minuerit apertus Origenismi amor, alios aliarum hereseon studium merita pene extimatione fraudarit. Cur itaque Origenistas infectarentur Theophilus causam hanc fuisse tradit Socrates. Qæsumus in Ægypto non multo ante fuerat, Deinceps corporeus esset, & humanam formam gerens, an penitus incorporeus. Multi, ac simpliciores præfertim Monachi Deum humano habitu prædictum fingebant, unde Anthropomorphite, sive ut loquitur Epiphanius Scholasticus in Tripartita Historia, ^{Tr. part.} Humaniformani dicti sunt; plures contraria sententiam sequebantur. Hos inter erat ^{H. ff. lib. 10. cap. 7.} Theophilus, qui cum opinionem suam in Epistola quadam Paschali, cuiusmodi Epistolam de more quotannis scribepat, prodidisset, eaque ad Ægyptios Ascetas fuisse perlata, ita excanduerunt illi, ut Theophilum ab Ecclesia expellendum censerent. Scetinos Monachos reliquis sanctitate præstantiores & doctrina hanc repudiasse omnes Epistolam, præter unicum Abbatem Paphnutium, literis tradidit Cassianus. E reliquis vero per Agyptum sparsis Monachis plurimi manu facta advolunt Alexandriam, & de interficiendo Theophilico cogitant. Ille stolidos homines astu tractavit, & ingruentes compescuit ambiguo hoc dicto: si ego vos vidi, quasi faciem Dei, quo quondam Iacob Esau fratrem suum delinivit, ut est Gen. 33.10. Placati illi unum id præterea postulant, ut damnareret Origenis libros, quorum nonnulli à Deo corpus abjudicabant: Ego vero, inquit, hominis istius lucubrationes, & qui eas probant, averbor. Atque hoc fine stetisset controversia, nisi statim nova de causa recluduñfer.

F Praerant Ægyptiacis monasteriis viri quatuor pietate nobiles, Dioscorus, Ammonius, Eusebius, & Euthymius, germani fratres, statura proceri, ideoque Longi cognominati: quod etiam cognomen habuisse ipsorum partarium Isidorum concicere licet ex isto Hieronymi Epist. 61. ad Pamphach. cap. 15. Ei tamen iste Hieronymus cum panno turba & soldatis gregibus, quid Isidoro illi fulmineo auxili ei respondere? At ne forte ille non crediret, & opriimeret eos præsentia & mole corporis sui, &c. Cum fratres illos percaros haberet Theophilus, Dioscorum Hermopoleos constitutum Episcopum; duos autem invitatos apud se detinuit. Atque hanc quidem vitam, desiderio licet monasticae vitæ tabescentes, tolerabant, quoad perspecta Episcopi avaritia, hominem exosi, rufsum in solitudinem post triennium fecerunt. Causa secessus cognita, pessima quæque minatus est illis Theophilus, ipsumque Dioscorum invisum habuit. Cum ergo Anthropomorphitis infensos ipsos ex mutuis con-

dd

gressibus agnoveret; apud simplices quosdam & indoctos monachos, quos hæreses hujus affines esse sciebat, Anthropomorphitam se professus, Diocorum cum fratribus in contraria esse secta monuit, & corpus Deo detrahere, Origenem sententia huius patrum fecitos. In fraudem his sermonibus illecti boni homines Diocorum, ipsiusque ascetas vehementer aversati, invidioso Origenistarum nomine infamantes traduxerunt: cum eos è contrario adversarij, pauciores quidem numero, sed doctrina & usu rerum peritos, Anthropomorphitas appellarent. Ita seditionibus inter se agitati conflixabantur. At Theophilus privatas injurias persequebatur, Origenistarum tumultus obtendit, & Nitria occupato monte, Anthropomorphitis monachis arma subministrat, Diocori monasterium incendit, qui cum fratribus abditus poteat vix ingrimenti cladi se subduxit.

Polybius Rhinocororum Episcopus, Epiphanij discipulus, ipsiusque vita scriptor, tres duntaxa numerat Longos fratres, Heracleonis filios, qui Alexandria cum imperio praefuerat, Theophilo amicitia conjunctos, ab eoque in urbem è monasteriis per fraudem deductos, majorem creatum ait Episcopum, alios Diaconos, & Ecclesia oeconomos. Narrat deinde hoc munere per triennium functos, renidente Theophilo in pristinam solitudinem concessisse; ægre id tulisse Theophilum, ipsosque communione privasse; ad quam cum sese admitti frustra rogarent, Chrysostomum interpellasse ea sibi ut restitueretur; postulasse id à Theophilo Chrysostomum, nec impetrasse, eosque tandem Theophilii censura liberasse: hinc exorta inter utrumque dissidia.

II. Igitur ad graviorem Diocoro, ipsiusque locis conflandam invidiam, singulari verutia Theophilus Origenistarum caussam cum ipsorum caussa conjunxit. Cum enim iam vulgo male audire sectatores Origenis intelligeret, clarissimosque partis illius consecratos à Nitriensis Monachis subornatos prodidisse, Nitrianiisque præcipuum Origenismi domicilium haberi, cumque adversus eos ab Epiphanio & Hieronymo instigaretur; non ejus defensores dogmatis, quod Deum incorporeum statuit, quodque ipse antea propagaverat, & adhuc etiam pro vero habebat, vexare hujus doctrinæ gratia aggressus est, sed ipsis famosam Origenistarum appellationem vir acutus affinxit, quo Origenismi adversarios sibi demeretur, & adversum illos concitaret. Et levè sane argumento impositum illis Origenismi calumniam approbabit, eo scilicet quod sententia hujus assertor esset Origenes, qua corpoream à Deo molem segregat. Atque eo facilius id persuasit, quod ad eos, uti mox dicemus, configisset Isidorus, quem acerrimum doctrinæ huius patronum fuisse iam supra ostendimus. Origenismi ergo caussam postquam semel obduxit iracundiae sua, Origenistas omnes insestari necessarium habuit: quamobrem referta hoc hominum genere Nitria asceteria perscrutatum, una cum Diocoro Origenistas omnes illinc exturbasse verisimile est.

III. Scetini, seu Nitriensis monachis (utrovis enim modo vel à Nitria monte, vel à Sceti regiuncula dici possunt) alia etiam caussa Theophili conciverat odium. Hunc inter & Petrum Alexandrinam Ecclesiæ Archipresbyterum simulas intercesserat. Hinc infensus Petro Theophilus admisimus ab eo questus est ad mysteriorum communionem mulierem quamdam Manichæa lue infectam, priusquam nuntium hæresi remisisset. Factum fuisse id iuxta Ecclesiæ consuetudinem, & ex Theophilii sententia, Petrus respondit, & testimonio confirmavit Isidori, supra à nobis memorati, viri gravis, & quem post Nectarij obitum ad Constantinopolitanam sedem evchere Theophilus studuerat. Hic graviter sucescens utrumque Ecclesia expulit. Rem ita à multis narrari refert Sozomenus: at aliter à viro cum Monachis illis conversari solito accepisse se dicit; duas nempe caussas habuisse Theophilum cur Isidorum insestare, aliam Isidoro & Petro communem, quod testificari recusassent Theophilii sororem hæredem fuisse scriptam; aliam Isidoro peculiarem, quod cum pauperum gereret curam, erogatas in eos pecunias Theophilus in extruendis Templis absumere volenti dare renuisset. Simile quid habet Palladius, seu quisquis scriptor est vita Chrysostomi, nam de Auctore non constat apud omnes; qui & alia multa congerit, que ab aliis praterita à nobis quoque prætermittentur. Gravissima vero hic est Anonymi cuiusdam, à quo Chrysostomi scripta est vita, quam in octavum Tomum Op. rum ipsius conjectit Savilius, & Symeonis Metaphraſta hallucinatio, qui Isidorum illum cum Isidoro Pelusiota confundunt: nisi forte priorem hunc Pelusiotam quoque fuisse dicat aliquis, cum Alexandrinus tamen vulgo dicatur. Sed Sozomenum audire pergamus. Expulsi Isidorus Scetin apud monachos concessit. Adit continuo Theophilum Ammonius, postulatque ut in communionem Isidorum admittat: tergiversante Theophilo instabat Ammonius, & quos sibi itineris socios adjunxerat; adeo ut perterrefaciendis alii, & à se amovendis unum ex ipsis in carcere detruerit Theophilus. Illum reliqui subseculi in eamdem custodiā fraude ingressi sese sponte incluserunt, quoad univerbos dimiserunt. Cuius rei tanta apud eum fuit indignatio, ut cum præ quiete & monastice vita stu-